

Hujan berlarutan hingga awal Mac

ULANG TAHUN PROMOSI HEBAT PRODUK KOMERSIAL CKE

BERJAYA JUSCOOL

Peti sejuk dan chiller baru 60% lebih jimat
letrik berbanding dengan keluaran lama



Outdoor Sales Services
Pls call 03-91458912

**HARGA JUALAN BORONG PROMOSI,
STOK BARU LEBIH MURAH DARIPADA STOK LAMA**



CKE HOLDINGS SDN. BHD. (720018-U)

CHERAS WISMA CKE	Tel: 03-9145 8888 03-9131 8333	191-5, 5th Floor Wisma CKE, Jalan Lancang off Jalan Cheras, 56100 KL.
KLANG	Tel: 03-3290 1428 03-3290 1429	Lot. 6570 Batu 5 1/2, Jalan Kapar, 42100 Klang, Selangor.
KAJANG	Tel: 03-8736 6833 03-8734 8233	134, Batu 14, Cheras, 43000 Kajang, Selangor.
KEPONG	Tel: 03-6274 8401 03-6274 8406	Lot 39, Jalan Besar, Kepong, KL. (NEXT TO POLICE STATION)
SETAPAK	Tel: 03-4022 8632 03-4022 8946	No. 82, Jalan Genting Kelang, 53300 Setapak, KL.
PUCHONG	Tel: 03-8071 1162 03-8071 1163	Lot PT 1976, Jalan TK 7/1, Taman Bukit Kuchai, 47100 Puchong.
NILAI	Tel: 06-799 7728	PT 16736, Jalan Pemata 1, Arab Malaysian Industrial Park, 71800 Nilai, N. Sembilan.

KUALA LUMPUR 24 Dis. - Hujan berlarutan dijangka berlaku sehingga awal Mac depan berikutan kehadiran musim Monsun Timur Laut yang bermula Oktober lalu.

Pegawai Meteorologi Jabatan Meteorologi, Khairul Najib Ibrahim berkata, luran monsun berlaku mulai Disember ini yang mengakibatkan beberapa hujan lebat berterusan selama dua hingga tiga hari.

Beliau menjelaskan, luran monsun berlaku apabila angin sejuk dan kering yang datang daripada kawasan Siberia bertemu dengan angin dari barat pasifik yang lembap dan panas.

Katanya, berikutan kejadian luran itu, fenomena hujan berterusan berlaku di negeri-negeri pantai timur Semenanjung seperti Kelantan, Terengganu, Pahang selain Johor.

"Ketika fenomena luran, banjir adalah salah satu faktor bencana alam yang boleh berlaku. Ini kerana kekerapan hujan sekejap-sekejap dan kadang kala lebat. Selain itu, ribut petir dan hujan pada sebelah petang dan awal malam dijangka berlaku sepanjang tempoh ini terutama di Semenanjung.

"Walau bagaimanapun, keadaan cuaca

bersifat luran itu akan berkurangan bermula hujung Februari," katanya ketika dihubungi di sini hari ini.

Menurut Khairul Najib, lazimnya fenomena musim Monsun Timur Laut akan beralih ke Sabah dan Sarawak yang juga bakal berhadapan episod hujan lebat monsun berterusan antara Januari hingga Februari 2013.

Ketika itu kata beliau, keadaan cuaca yang lebih lembap akan dialami di bahagian utara dan timur Sabah serta barat dan tengah Sarawak.

Katanya, cuaca yang lebih kering dijangka berlaku di Sabah dan Sarawak terutama ketika musim Monsun Timur Laut berakhir pada Mac depan.

"Perpindahan cuaca itu berdasarkan faktor tiupan angin yang berubah dan kemudiannya akan menyebabkan kawasan hujan juga dijangka berpindah ke Sabah dan Sarawak," katanya.

Dalam pada itu, Jabatan Meteorologi turut menyenaraikan beberapa nasihat dan panduan kepada orang ramai dalam menghadapi banjir.

INFO

SEBELUM BANJIR:

- Sentiasa dengar siaran radio dan televisyen untuk pengumuman nasihat atau amaran cuaca buruk.
- Pastikan bekalan air dan makanan yang tidak mudah rosak disimpan secukupnya.
- Bersihkan longkang dan parit daripada tersumbat.
- Letakkan barang-barang berharga dan dokumen penting di tempat yang selamat.

SEMASA BANJIR:

- Jauhi daripada longkang beraliran laju, sungai dan kawasan banjir.

- Jangan memandu ke kawasan banjir. Jauhi daripada melalui jambatan yang tidak kukuh dan jalan yang selalu dinaiki air.
- Ikut arahan pihak pengurusan bencana alam.
- Bersedia untuk berpindah jika diarahkan sekiranya kita tinggal di kawasan sepanjang pantai, dekat sungai atau kawasan rendah.
- Pastikan kenderaan diletakkan di tempat tinggi dan segala harta lain terjamin atau terpelihara daripada hilang dan dimusnahkan air.